

中國方志叢書·華北地方·第一九二號

據清咸豐五年孫纂修本影印

河北省

慶雲縣志



成文出版社印行



10105920

中華民國五十八年

月臺一版

慶雲縣志

全一冊

版權所有

發行人：黃

成

助

出版者：成文出版社有限公司

台北郵政信箱二二六〇五號

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

咸豐乙卯鐫

慶雲縣志

海雲堂崔藏板

縣志以朝邑武功為稱首然王文簡之跋朝邑志已有毋乃太簡之歎至對山志人物首列后稷姜嫄說者譏之蓋述志若斯之難也予往者嘗輯昆明志一編亦取武功為法而諸所載加詳滇南僻遠之

鄉文獻久闕其義例不得不然耳
咸豐壬子以病乞歸時督糧使者
崔正甫同年觀察茲土公餘出尊
甫念堂先生所輯慶雲縣志俾之
勘校先生名德通儒著述滿家使
今日者靈光猶存予且請業質疑

之不暇其能於春秋之旨贊一詞
乎然重以觀察君之屬又何敢不
昕夕從事也慶雲今隸天津府距
京師東南六百三十里於古為兗
州之域志始修於明萬厯五年洎
我朝康熙十二年十九年再加

編纂先生輯此志為嘉慶十四年
當是時主持有人先生殆有不得
已而為之者其後廿餘年中嘗手
自刪節晚歲遂以屬觀察君嗟乎
馬班二史古今稱善然自太史公
談以及遷班氏始彪訖固皆父子

繼世而乃成書今先生之於此志
可謂勤矣而觀察君克繼前業孜
孜靡倦非賢者而能若是乎予不
敏既九閱月編成凡三卷為篇十
子目三十有六其義例一準之武
功惟康氏於志官師加以論斷前


人贊其仿柳河東先友記論文之
道宜爾顧今者何必不異於古所
云邪若夫星野之說本屬傳會况
以分屬之一縣尤難徵信今遵
欽定熱河志例概從芟除至藝文
志之采撰述詩歌則又因時之變

通云爾時咸豐四年歲次甲寅孟

夏月

賜同進士出身中憲大夫前掌貴

州道監察御史昆明戴綱孫序



14

昔先大夫之修慶雲志也蒐羅博
洽考訂詳賅顧以事權非盡由已
其間棄取一切多未愜心暮年猶
手自點定以付光笏而命之曰地
志之作一以為鄉之人發微闡幽
一以待官斯土者興利除弊所關

綦重是志規模雖具而義例未協
異日者其善為我述之光笏聞命
以來思有以上承先志然而簿書
鞅掌忽忽者竟七八年於茲矣道
光庚戌來宦滇南越二載同年戴
子雲帆乞假歸里雲帆遂於古者

著作宏富乃出是編屬其釐正體裁一出已手人物志舊未立傳者補之文武科目職官題名均以次續入其節孝未及采訪者則仍循其舊光笏時備咨諏間有商訂九閱月而書成於是稱善志焉嗚呼

吾慶雲自有縣志以來迄今三百
餘年幾經更易先五世祖介石公
修之於前先大夫修之於後先笏
紹承遺緒又假手於戴子以嚴其
事其體例完善去取謹嚴庶幾朝
邑武功之流亞也詎不為厚幸歟

時

咸豐四年歲次甲寅夏六月望日

賜同進士出身

誥授通議大夫按察使銜雲南糧

儲道慶雲崔先笏謹識於滇南糧

署之兆旗堂

